

Հ. Ս. ՍԱՐԴՅԱՆ

ԱԶԳԱՅԻՆ-ԱԶԱՏԱԳՐԱԿԱՆ ՇԱՐԺՈՒՄԸ ՍԻՐԻԱՅՈՒՄ
ԱՌԱՋԻՆ ՀԱՄԱՇԽԱՐՀԱՅԻՆ ՊԱՏԵՐԱԶՄԻՑ ՀԵՏՈ
(1920—1925 թթ.)

Առաջին համաշխարհային պատերազմի նպատակներից մեկը՝ Օսմանյան կայսրության արաբական պրովինցիաների բաժանումն էր։

Ասիական Թուրքիան բաժանելու մասին դաշնակից տերությունների (Անգլիա, Ֆրանսիա և Ռուսաստան) 1915 թ. մարտ-ապրիլ ամիսներին կայացած բանակցությունների ժամանակ Ռուսաստանը հավակնություն էր հանդես բերում Կ. Պոլսի, նեղուցների և Թուրքահայաստանի նկատմամբ¹։ Ֆրանսիան համաձայն էր Օսմանյան կայսրության բաժանմանը միայն այն պայմանով, որ Սիրիայի և Ադանայի վիլայեթների նկատմամբ ճանաչվեին իր իրավունքները²։ Անգլիան պահանջում էր Իրաքը և Պաղեստինը³ և ձգտում էր ամուր կերպով հաստատվել հղիպտոսում, իր ձեռքում պահել Հնդկաստանի հեռավոր մատույցները։

Ռուսական և ֆրանսիական իմպերիալիստները ձգտելով դրավել Թուրքական ժառանգության իրենց բաժինը, հիմնականում զործում էին դիվանագիտական միջոցներով։ Իսկ Անգլիան, համաշխարհային պատերազմի արաբական թատերաբեմում միանձնաբար վարելով ռազմական գործողությունները, բնականաբար, մեծ առավելություններ ուներ այնտեղ իր ռազմա-քաղաքական էքսպանսիան տարածելու համար։ Բացի այդ Անգլիան ձգտում էր արաբների միջոցով քայքայել թշնամու թիկունքը։ Այս նպատակով Անգլիան օգտագործում էր արաբների ու Թուրքների միջև գոյություն ունեցող հակասությունները ու պաշտպանում արաբների ազատագրական շարժումը։

Սակայն անգլիական դիվանագետները չկարողացան անմիջապես օգտագործել այդ հակասությունները։ Թուրքիայի պատերազմի մեջ մտնելը պարտադրում առաջացրեց արաբական քաղաքական գործիչների շարքերում՝ պատերազմող կողմերի հանդեպ տարվելիք քաղաքականության հարցում։ Նրանք երկընտրանքի առջև կանգնեցին՝ կամ պաշտպանել դաշնակիցներին և անդլո-ֆրանսիական օկուպացիայի փաստի առաջ կանգնել և կամ մասնակցել պատերազմին Թուրքիայի կողմից, այն հեռանկարով, որ վերջինիս հաղթանակի դեպքում ձեռք բերվի արաբների պահանջների բավարարում՝ Օսմանյան կայսրության շրջանակներում։ Սիրիական ազգային բուրժուազիայի ներկայացուցիչների համեմատաբար ոչ մեծ, բայց բավական ազդեցիկ մասը (Աբդ էլ Քերիմ խալիլ, Արդ ար Ռահման Շահբենդեր, Մուհամմեդ քուրդ Ալի և ուրիշներ) պարզ պատկերացնելով Սիրիայի անդլո-ֆրանսիական օկուպացիան վտանգը, իսկ մյուս կողմից էլ հավատալով պատերազմի հաղթական ավարտումից հետո արաբական վիլայեթներին լայն ինքնավարություն տալու մասին իթթիհատականների խոստումներին, կոչ էին անում արաբներին հրաժարվել Թուրքների հետ ունեցած տարաձայնություններից և միանալ նրանց հետ դաշնակիցների դեմ ռաբազան պատերազմ մղելու համար⁴։

Ահմեդ Ջեմալ փաշան՝ իթթիհատի եռապետներից մեկը, որ պատերազմը սկսվելուց հետո նշանակվեց Սիրիայում տեղավորված 1-րդ բանակի հրամանատար և զենեռալ-նահանգապետ, անձնական կապ էր հաստատում արաբ քաղաքական գործիչների հետ, խոշոր գումարներ տալիս նրանց՝ արաբական մամուլում Թուրքիայի օգտին պրոպագանդա տանելու համար, իսկ հետա-

¹ «Раздел Азиатской Турции по секретным документам б. Министерства иностранных дел», под ред. Е. А. Адамова, М., 1924, стр. 163—164.

² P. Puanikare, На службе Франции (воспоминания за девять лет), М., 1936, т. 1, стр. 344.

³ «Раздел Азиатской Турции...», стр. 121—122.

⁴ G. Antonius, The Arab awakening. The Story of the arab national movement, London, 1939, p. 55.

զայում թուրքական իշխանությունները իրենք մասսայական տեղի սկսեցին արարների դեմ, թուրքական իշխանությունների ձեռքն ընկան Սիրիայում գտնվող ֆրանսիական ու անգլիական դեսպանությունների արխիվները, որտեղ եղած փաստաթղթերը ապացուցում էին սիրիական քաղաքական զաղտնի կազմակերպությունների կապը անգլիական և ֆրանսիական կառավարությունների հետ. Բացի այդ, գտնվեցին նաև թուրքերի դեմ ապստամբության կոչ անող թուղթիկներ⁵։ Այս ամենի հետևանքով Ջեմալ փաշան արյունալի պայքար սկսեց արաբ ազդայնականների դեմ։ 1915 թ. օգոստոսին զինվորական դատարանի վճռով Բեյրութում կախաղան հանվեցին արաբ հայտնի քաղաքական գործիչները, որոնք մեղադրվում էին պետական դավաճանության մեջ։ Կատարվեցին մասսայական ձերբակալություններ։ Ջեմալ փաշան ցրեց արաբական զորամասերը և նրանց ուղարկեց Դարդանեյի ու կովկասյան ռազմաճակատ։

Թուրքական իշխանությունների շովինիստական, հակաարաբական քաղաքականությունը, ռազմաճակատներում թուրքերի անհաջողությունները, պարենամթերքի և անասունների լուծագրավման հետևանքով առաջացած սովը և մասսաների հակապատերազմական տրամադրությունները ցրեցին Շահբենդերի խմբի թուրքասիրական պատրանքները։ Բուրժուազիայի այս ներկայացուցիչների մոտ կասկած առաջացավ իթթիհատականների անկեղծության մեջ և նրանք անհաշտ դիրք բռնեցին թուրքերի հանդեպ ու թեքվեցին դեպի զաշնակիցները։

Արաբների և թուրքերի միջև հարաբերությունների սրման պայմաններում Հեջազի հաշեմյան ֆեոդալական ընտանիքի ներկայացուցիչ, Մեքքայի շերիֆ Հյուսեյն ալ Հաշիմին կապ հաստատեց Եգիպտոսում անգլիական գերագույն կոմիսար Մակ-Մահոնի հետ, հույս ունենալով անգլիացիների աջակցությամբ Հեջազը և արաբական մյուս երկրները ազատել թուրքական տիրապետությունից։ Իրականության մեջ այս գործարքը ստրատեգիական և քաղաքական մեծ առավելություն էր Անգլիայի համար՝ պատերազմի արաբական թատերաբեմում։ Հյուսեյնի և Մակ-Մահոնի միջև մի քանի ամիս տևող բանակցությունները վերջացան համաձայնությամբ, որով նախատեսվում էր, որ հարմար ժամանակ Հեջազի արաբները թուրքերի դեմ դուրս կգան, իսկ Անգլիան կճանաչի ապագա արաբական պետությունը⁶։

Շերիֆ Հյուսեյնը և արաբ շեյխերը, որոնք առատորեն վարձատրվում էին անգլիական ոսկով⁷, խաբվելով Մակ-Մահոնի խոստումներով, 1916 թ. հունիսին, արաբներին ապստամբության հանեցին։ Ապստամբությունը կազմակերպելու և ղեկավարելու գործում մեծ դեր խաղաց անգլիական գործակալ, հետախույզ Լոուրենսը, որը արաբների ապստամբությանը տվեց անգլիական իմպերիալիստների ցանկացած ուղղությունը։

Ձևայած Անգլիան, Մակ-Մահոնի համաձայնությամբ, խոստացել էր ճանաչել ապագա արաբական պետությունը, բայց անգլո-ֆրանսիական զաղտնի բանակցություններ էին տևել ունենում պատերազմից հետո արաբական երկրները անգլո-ֆրանսիական իմպերիալիստների միջև բաժանելու համար։ 1916 թ. մայիսի 16-ին Լոնդոնում կայացած վերջնական համաձայնությամբ, որը հայտնի է Սայկս-Պիկոյի համաձայնություն անունով, Սիրիան բաժին է ընկնում Ֆրանսիային⁸։ Սայկս-Պիկոյի համաձայնությունը հետապնդում էր մի այլ նպատակ ևս, այն է՝ ուսական գործերին ետ պահել Մոսուլի նավթահանքերի ուղղությամբ շարժվելուց։ Ուստի անգլո-ֆրանսիական դիվանագետները շտապեցին կնքել այս համաձայնությունը, որպեսզի նախօրոք սահմանեին Ռուսաստանի բաժինը Թուրքիայում և թույլ շտային կովկասյան բանակին արշավելու դեպի Իրաք։

Առաջին համաշխարհային պատերազմում Թուրքիայի պարտության գործում զգալի դեր խաղաց արաբական ապստամբական շարժումը։ 1918 թ. սեպտեմբերի 30-ին, անգլիացիներից մի օր առաջ, շերիֆ Հյուսեյնի որդի Ֆեյսալի արաբական հեծյալ զորքերը զրավեցին Դամասկոսը, իսկ հետագայում Համան, Հոմսը, Հալեպը և մեծ աջակցություն ցույց տվին անգլիական զորքերին՝ արաբական շրջաններից թուրքերին արտաքսելու գործում։ Այս իրողությունը խոստովանել են զաշնակից հրամանատարության շատ ներկայացուցիչներ։ Անգլիացի զինվորական գրող Լիդել Դարտը գրել է. «Վերջին հաշվով արաբները միայնակ մահացու հարված հասցրին 4-րդ բանակին»⁹։

⁵ امين سعيد، الثورة العربية الكبرى، القاهرة، ج ١، ١٩٣٤، ص ٦٦٠

⁶ Лиддель Гарт, Полковник Лоуренс, М., 1939, стр. 39.

⁷ Ապստամբության սկզբից նրանք ստացել են ամսական 150.000 ֆունտ ստերլինգ արաբական բանակը պահելու համար։

⁸ С. Ф. Кечекьян, Мандаты Лиги наций в странах арабского Востока, Баку, 1930, стр. 50.

⁹ Лиддель Гарт, стр. 152.

1918 թ. վերջերին անգլիական զորքերը օկուպացրին ամբողջ Սիրիան (Սիրիա, Պաղեստին և Լիբանան), սրանք երկիրը բաժանեցին երեք գոտիների՝ հարավային — անգլիական գոտի, որի մեջ մտավ Պաղեստինը, արևմտյան — ֆրանսիական գոտի՝ Լիբանան, Լաթաքիա և Ալեքսանդրետ, արևելյան — արաբական գոտի՝ ներքին Սիրիա՝ Դամասկոսից արևելք, ներառյալ Անդհորդանանը¹⁰, Վերոհիշյալ գոտիները դիտվում էին որպես դաշնակիցների կողմից օկուպացված գոտիներ և ենթարկվում էին Մերձավոր արևելքում դաշնակից զորքերի ընդհանուր հրամանատար ֆելդմարշալ Ալլենբիին:

Արևելյան գոտում, արաբական կառավարություն կազմվելուց հետո, ծավալվեց պետական շինարարություն, ստեղծվեցին բանակի զորքերի և լուսավորության ընդհանուր գերատեսչություններ, լույս տեսան բազմաթիվ թերթեր, հիմնվեցին ազգային ակումբներ: Հայն ազիտացիա էր տարվում օտարերկրյա ազդեցության դեմ պայքարելու և ամբողջ Սիրիային (Լիբանանը, Պաղեստինը և Հորդանանը ներառյալ) անկախություն տալու համար¹¹:

Հաշվի առնելով, որ դաշնակիցների գերագույն խորհրդի առաջիկա սեսիայում վճռվելու էր նաև Սիրիայի բախտը¹², Դամասկոսի ղեկավար շրջանները 1920 թ. մարտի 6-ին հրավիրեցին համասիրիական կոնգրես, որը Սիրիան հռչակեց անկախ պետություն¹³ և Ֆեյսալին ընտրեց թագավոր: Կազմվեց Սիրիայի պատմության մեջ առաջին ազգային կառավարությունը, որին հանձնարարվեց մշակել պետության սահմանադրությունը և ընտրական օրենքները: Անկախության հռչակումը նոր դար բացեց Սիրիայի զարգացման համար:

Համասիրիական կոնգրեսի որոշման մասին հայտնվեցին Անգլիայի ու Ֆրանսիայի կառավարություններին այն հույսով, որ նրանք հարգանքով կվերաբերվեն այդ արդարացի որոշմանը: Սակայն վերջիններս չճանաչեցին Դամասկոսի կոնգրեսի որոշումը և շտապեցին վերջնականապես իրենց մեջ բաժանել Ազգերի լիգայի սահմանած մանդատները:

Ազգերի լիգայի կանոնադրության 22-րդ հոդվածի հիման վրա ստեղծվեցին A, B, C կատեգորիաների մանդատային տերիտորիաներ: Մանդատը դիտվում էր որպես «խնամակալություն» իբրև ռազմաքակրթության սրբազան միսիա: Մանդատային սիստեմի գաղութային էությունը մերկացրել է Վ. Ի. Լենինը: Նրա բնորոշմամբ, «դրանք գաղութային կախյալ երկրներ են, իրավաբանորեն իրավազուրկ բնակչությամբ երկրներ, որոնց վրա իշխելու մանդատ է տրված ֆինանսական ավազակներին»¹⁴:

Ի պատասխան Դամասկոսի կոնգրեսի որոշման, դաշնակից կառավարությունները 1920 թ. ապրիլին Սան-Ռեմոյում հրավիրված դաշնակիցների գերագույն խորհրդի կոնֆերանսում որոշեցին հաստատել արաբական երկրների մանդատների բաժանումը և այդ մտցնել Թուրքիայի հետ հաշտության պայմանագրի նախագծի մեջ: Սիրիայի և Լիբանանի մանդատները տրվեցին Ֆրանսիային, իսկ Պաղեստինի ու Իրաքի մանդատները՝ Անգլիային:

Սովետական կառավարությունը իր ժամանակին մերկացրել է մանդատային սիստեմի թալանչիական էությունը, հայտարարելով, որ Ռուսաստանի կառավարությունը չի ճանաչում միջազգային ռեժիմի այս նոր ձևը և բացասաբար է վերաբերվում Պաղեստինում, Սիրիայում և մանդատային ուրիշ տերիտորիաներում ստեղծված ռեժիմի հանդեպ¹⁵:

10 1919 թ. սեպտեմբերի 15-ին Լոնդոնում ստորագրված անգլո-ֆրանսիական համաձայնության մեջ, անգլիական զորքերը դուրս եկան Հալեպից, Դամասկոսից և Լիբանանից, բայց նրանք դեռ մնացին Անդհորդանանում: Լոնդոնի համաձայնության մեջ, Անդհորդանանը համարվում էր անգլիական ենթամանդատային տերիտորիա:

«أمين سعيد، الثورة.. ج ٢» ص ٥٣٠

12 1919 թ. խաղաղության կոնֆերանսում սակարկություն տեղի ունեցավ Սիրիայի մանդատի հավակնորդներ՝ անգլո-ֆրանսիական և ամերիկյան իմպերիալիստների միջև: Այս պայքարը կասեցրեց սիրիական հարցի լուծումը կոնֆերանսում:

13 Սիրիայի անկախ պետության կազմի մեջ են մտցվում երկրի առափնյա և ներքին շրջանները, Լիբանանն ու Պաղեստինը: Հորդանանը համարվում էր ներքին Սիրիայի մասը: Տե՛ս

«أمين سعيد، ج ٢» ص ١٤٠

14 Վ. Ի. Լենին, հ. 31, էջ 268:

15 Внешняя политика СССР, Сборник документов, т. 2, 1921—1924, М., 1944, стр. 784.

1920 թ. մայիսի 1-ին Ֆրանսիայի վարչապետ Միլլերանը հեռագրով Ֆեյսալին հայտնեց զաշնակիցների գերագույն խորհրդի որոշումը՝ Սիրիան որպես ենթամանդատային տերիտորիա, Ֆրանսիայի տիրապետությանը հանձնելու մասին: Նույն բովանդակությամբ հեռագիր ուղարկեց նաև Ալլենբին:

Սան-Ռեմոյում ընդունված որոշումը բողոքի մեծ ալիք առաջացրեց արաբական երկրների ժողովուրդների մեջ: Սիրիայի բոլոր շրջաններում տեղի ունեցան հակաիմպերիալիստական ցույցեր: Սիրիական ժողովուրդը լավ էր հասկանում, որ Սիրիայի վրին փաթաթված մանդատային սիստեմը ֆրանսիական տիրապետության հաստատման քողարկված մի ձև է, ուստի նա վճռում է ընդունել մանդատը և պայքարել իր ազգային անկախության համար: Կազմվում է ազգային պաշտպանության կառավարություն՝ Հաշեմ Աթասիի գլխավորությամբ, Համասիրիական կոնգրեսի մարտի 8-ի նիստում արտաքին գործերի մինիստր Շահրենգեյի հրապարակած կառավարական ծրագրի հիմնական քաղաքական գիծը հանդիմ էր հետևյալին.

1. Սիրիայի լրիվ անկախության պաշտպանում:

2. Երկրի միասնության պահանջ՝ նրա բնական սահմաններում և հարավային մասը հրեական ազգային օջախի վերածելու մասին սիոնիստների պահանջի մերժում¹⁶:

3. Պայքար երկրի ներսում օտարերկրյա ամեն մի միջամտության դեմ¹⁷: Նոր կազմված ազգային պաշտպանության կառավարությունը սկսեց կենսագործել իր ծրագիրը և պատրաստվեց պաշտպանել երկիրը, Հայտարարվեց ընդհանուր զորակոչ, Համասիրիական կոնգրեսը որոշեց զինված դիմադրություն կազմակերպել ֆրանսիական զորքերի հնարավոր ներթափանցմանը արևելյան ղոնա և երկրում հայտարարեց պատերազմական վիճակ:

Սիրիական ժողովրդի ազգային անկախության համար պայքարելու վճռականությունը անհանգստացրեց ֆրանսիական զենեքալիներին: Վերջիններս որոշեցին ազատվել Դամասկոսի կառավարությունից և զենքի ուժով ժողովրդի վրին փաթաթել մանդատային ոեծիմը: Սիրիայում և Լիբանանում ֆրանսիական զորքերի ընդհանուր հրամանատար պեներալ Գուրոն հուլիսի 14-ին Բեյրութից Ֆեյսալին ուղարկած վերջնագրով պահանջեց անվերապահորեն ընդունել ֆրանսիական մանդատը, վերացնել ընդհանուր զինապարտության մասին օրենքը, Ռայակ-Հալեպ երկաթուղին հանձնել ֆրանսիական հրամանատարությանը¹⁸: Վերջնագիրը ամբողջությամբ ընդունելու համար Գուրոն շորսօրյա ժամկետ սահմանեց:

Այդ ժամանակ Ֆեյսալը վերջնականապես համոզվեց, որ իր «զաշնակից» Անգլիան խաբել է իրեն և չի կատարում արաբներին տված իր խոստումը:

Նախքան Գուրոյի վերջնագրի վերաբերյալ որոշում ընդունելը, սիրիական կառավարությունը նուրի Սաիդին և էմիր Արսլանին ուղարկեց Հայֆա՝ ստեղծված դրության շուրջը Ալլենբրիի հետ րանակցելու համար: Վերջինս խորհուրդ տվեց ընդունել ֆրանսիական առաջարկները և փոխըմբռնման հասնել Գուրոյի հետ: Անգլիայի այս քաղաքականությունը բացատրվում էր Սիրիայի հաշվին կատարված իմպերիալիստական նոր գործարքով: Սայկս-Պիկոյի համաձայնությամբ, հյուսիսային Իրաքը հանձնված էր Ֆրանսիային, սակայն 1919 թ., անգլո-ֆրանսիական նոր համաձայնությամբ, Ֆրանսիան հրաժարվում էր հյուսիսային Իրաքից հօգուտ Անգլիայի և փոխարենը իրավունք էր ստանում օկուպացնելու Սիրիայի ներքին շրջանները և վճռելու Ֆեյսալի բախտը. միևնույն ժամանակ նա պետք է ստանար Իրաքի նավթի քսանհինգ տոկոսը:

Սիրիական ժողովրդի համար անսպասելի չէին ֆրանսիական գաղութարարների դիտավորությունները. նա համոզված էր, որ գործը չի վերջանալու առանց վճռական պայքարի: Ուստի կառավարությունը ձեռնարկում է քաղաքական, ռազմական և ուրիշ միջոցառումներ՝ կապված երկրի գրության հետ: Ֆեյսալի եղբայր՝ էմիր Ջեյդը նշանակվում է րանակի ընդհանուր հրամանատար, ստեղծվում են պաշտպանության կոմիտեներ:

Սակայն, դժբախտաբար, Գուրոյի վերջնագիրը պառակտում է առաջացնում ազգային պաշտպանության կառավարության մեջ: Ֆեյսալը ամեն կերպ աշխատում էր, որ կառավարությունը ընդունի ֆրանսիական վերջնագիրը: Նա իր որոշումը պատճառարանում էր նրանով, որ քաղաքական

¹⁶ 1917 թ. նոյեմբերի 2-ին Լիւյդ Ջորջի կառավարության արտաքին գործերի մինիստր լորդ Բալֆորը հրապարակում է մի ղեկաբացիա Պաղեստինում հրեական «Ազգային օջախ» ստեղծելու մասին:

¹⁷ А м и н С а и д, Восстания арабов в XX веке, М., 1964, стр. 91.

¹⁸ امين سعيد الثورة... ج ٢، ص ١٦١.

և ռազմական զործոնները¹⁹ ստիպում են իրեն ընդունել Գուրոյի առաջարկները: Նա համառորեն պնդում էր, որ երկու շարիքից պետք է ընտրել փոքրագույնը և, որ Սիրիան իր ներկա վիճակով ու սահմանափակ հնարավորություններով ի վիճակի չէ դիմադրելու ֆրանսիացիներին: Կարինեստի անդամների մեծամասնությունը Ֆեյսալի գլխավորությամբ անվերապահորեն ընդունեց Գուրոյի վերջնագիրը: Այսպիսով, Ֆեյսալը հույս ուներ, որ ֆրանսիական զորքերը չեն գրավի Դամասկոսը և կպահպանվի իր թագը:

Գուրոյի վերջնագիրը կառավարության կողմից ընդունվելու լուրը կայծակի արագությամբ տարածվեց ամբողջ երկրում: Այգալի պաշտպանության կոմիտեն հուլիսի 20-ին մեծ ցույց կազմակերպեց Դամասկոսում, ցուցարարները կառավարությունից սպանեցում էին գիմադրել օկուպանտներին և պաշտպանել երկրի անկախությունը: Նրանք հարձակվեցին Դամասկոսի բերդում գտնվող դինապահեստի վրա և գրավեցին ղեկերը²⁰, որպեսզի հակահարված տան ագրեսորներին: Սակայն Ֆեյսալի հրամանով էմիր Զեյդը բանակի օգնությամբ ցրեց ցուցարարներին, որի ընթացքում սպանվեցին 200 հայրենասերներ²¹:

Չնայած Ֆեյսալի կառավարությունը ընդունեց վերջնագիրը, բայց Գուրոյի հրամանով ֆրանսիական զորքերը շարժվեցին դեպի Դամասկոս²²:

Ֆրանսիական զորքերի Դամասկոսի ուղղությամբ շարժվելու լուրը կատաղեցրեց Ֆեյսալին: Ֆրանսիական զորքերի առաջխաղացումը կասեցնելու և արյունահեղությունից խուսափելու մասին Գուրոյին ուղարկած նրա հեռագրերը ոչ մի արձագանք չգտավ: Միայն այդ ժամանակ Ֆեյսալը հասկացավ, որ խաբված է, և սլատերազմ հայտարարեց Ֆրանսիային: Նրա հրապարակած մանիֆեստում կոչ էր արվում պաշտպանել հայրենիքը, ժողովրդի սլատիվն ու կրոնը²³: Ֆրանսիական զորքերին դիմադրելու համար կանոնավոր բանակի մի ջոկատով Մալսալունի կիրճն է միտնում ռազմական միևիտր մայրը Յուսուֆ Ազման: Այստեղ հավաքվեցին նաև Դամասկոսի բնակիչներից կազմված կամավորական խմբերը, որոնք զինված էին հին զենքերով և թրերով:

Հուլիսի 24-ին տեղի ունեցած ճակատամարտում Դամասկոսի պաշտպանները պարտություն կրեցին ֆրանսիական զերակշիռ ուժերից²⁴:

Պարտությունից հետո Ֆեյսալը Ալա ադ Դին Դուրիի գլխավորությամբ կազմում է կապիտուլյանտական նոր կառավարություն: Ալա ադ Դին Դուրին, որը ֆրանսիական իմպերիալիստների թունդ երկրպագուն էր և մանդատի կողմնակից²⁵, միջնորդի դեր պիտի խաղար Ֆեյսալի և օկուպանտների միջև:

Հուլիսի 25-ին ֆրանսիական զորքերը շարժվեցին դեպի Դամասկոս:

Նույն օրը Դամասկոսի կայազորի պետ Նուրի Սահրը կապ հաստատելով ռազմաճակատի ֆրանսիական հրամանատարության հետ, հայտնում է, որ ֆրանսիական զորքերը կարող են միտնել Դամասկոս²⁶: Դամասկոսի գրավումով ամբողջ իշխանությունը անցավ Սիրիայում ֆրանսիական զերագույն կոմիտեի՝ զենեքալ Գուրոյի ձեռքը, որը հետադաշտում հրով և սրով կարգ հաստատեց օկուպացված երկրում²⁷: Ինչ վերաբերում է Ֆեյսալին, ապա նա, ֆրանսիական էրապեդիցիայի ղեկավար զենեքալ Տուվայի պահանջով, իր շքախմբով և ընտանիքով հեռացավ Սիրիայից և մեկնեց Եվրոպա²⁸:

Զավթելով երկիրը ֆրանսիական օկուպացիոն իշխանությունները սկսեցին դատաստան տես-

19 Ֆեյսալը «Քաղաքական և ռազմական զործոնների» փաստարկումով նկատի ուներ այն հանգամանքը, որ անգլիական ղաշնակիցը լքել էր իրեն, իսկ կառավարությունը չէր կարողացել կենսագործել երկրի պաշտպանության միջոցառումների մասին որոշումը:

20 «Новейшая история стран зарубежного Востока», М., 1954, ч. I, стр. 323.

21 G. Antonius, p. 308.

22 Գուրոն ագրեսիվ իր այդ քայլը պատճառաբանեց նրանով, որ վերջնագիրը ընդունելու մասին Ֆեյսալի հեռագիրը սահմանված ժամկետին չի ստացել: Ամին Սաիդի ասելով, ֆրանսիացիները դիտավորյալ կերպով փշաջրել են Բեյրութ-Դամասկոս հեռադրագիծը:

23 «أمن سعيد، الثورة...» ج ٢، ص ١٦١.

24 Ֆրանսիական 60 հազարանոց բանակի ղեմ կոմիտե էին սիրիական 10 հազար հայրենասերներ: Հուլիսի 24-ը Սիրիայում ամեն տարի նշվում է, որպես ազգային սզի օր:

25 «أمن سعيد، الثورة...» ج ٢، ص ٧٩١.

26 «أمن سعيد...» ص ٧٩١. «The Times», 29 July 1920, հաւ.

27 Китайгородский, Сирия в огне восстаний, М., 1925, стр. 32.

28 Հետադաշտում անգլիացիները Իրաքի գահին նստեցրին Ֆեյսալին:

նեյ Դամասկոսի պաշտպանների ու ազատագրական շարժման մասնակիցների հետ։ Ֆրանսիական իշխանությունների գեմ թշնամական գործունեության համար ձերբակալվեցին մեծ թվով ազգային գործիչներ (Քամիլ էլ Գասսար, Խաուֆիկ էլ Յազրի, Շուբրի Քուաթի, Ռիադ էլ Սուլս և ուրիշներ), բռնազրավվեց նրանց ամբողջ ունեցվածքը, ամենափոքր զժգոհության համար պատժիչ չոկատները այրում էին գյուղերը, ոչնչացնում ցանքերը, ամեն տեղ գործում էին զինվորական դատարանները։ Սիրիական քաղաքական կազմակերպությունները արգելվում են, ազգային մամուլի վրա սահմանվում է խիստ զրաքնություն։ Բացի այդ, սիրիական կառավարությանը ուղղված վերջնազրույց պահանջվում էր՝ 10 միլիոն ֆրանկի ռազմական հատուցում, սիրիական բանակի զինաթափում և նրա զենքերի ու զինամթերքների հանձնումը ֆրանսիական բանակին, դիմադրության զլխավոր հանցագործներին զինվորական դատարանին հանձնումը, Ֆեյսալի թագավորության վերացում, քաղաքացիական բնակչության զինաթափում և այլն²⁹։

Այլա լի Դին Դրուրի փաշայի կառավարությունը, որը կազմված էր ֆրանսիական մանդատի կողմնակից բուրժուա-կալվածատիրական տարրերից, պատրաստակամություն հայտնեց կենսագործելու ֆրանսիական առաջարկները և համագործակցելու մանդատային իշխանությունների հետ։

Օկուպանտները կարծում էին, որ Մալսալունի մարտերից հետո սիրիացիները երբեք ի վիճակի չեն լինի նորից ապստամբելու իրենց դեմ։ Սակայն սիրիական ազատասեր ժողովուրդը իրեն պարտված չհամարեց, Մալսալունի ճակատամարտը նրա համար դարձավ ազատագրական պայքարի սկիզբը միայն։ Դամասկոսի մոտ կրած պարտությունը չղարկեցրեց սիրիական ժողովրդի ազատագրական պայքարը։ Վերականգնող շարժումները (այսինքն պարտիզանական խմբերը — Հ. Ս.) — գրել է Յունգը, — շարունակում էին հուզումները ամբողջ երկրում³⁰։ 1920 թ. Սիրիան ապստամբությունների եռուս շրջանի մեջ էր գտնվում, որոնք ուղղված էին ֆրանսիական մանդատի դեմ³¹։

1920 թ. օգոստոսին, այսինքն ֆրանսիական զորքերի կողմից Դամասկոսը զրավելուց մեկ ամիս հետո, Հաուրանի շրջանում սկսվում է գյուղացիական ապստամբություն։ Ապստամբ գյուղացիները հրաժարվում են ռազմատույանը վճարել և ընդհանրապես չեն ցանկանում մանդատային ռեժիմը ճանաչել։ Ռազմատույանը հավաքելու համար տեղական շեյխերի հետ բանակցելու եկած վարչապետ Դրուրի փաշան և նրան ուղեկցող չորս միևիպտները խուրբեթ էլ Դազալա կայարանում հարձակման են ենթարկվում գյուղացիների կողմից, սպանվում են Դրուրի փաշան, խորհրդակցական խորհրդի նախագահ Արդ առ Ռահման ալ Յուսուֆը և զնացքում գտնվող ֆրանսիական զինվորներ³²։ Դամասկոսից ուղարկված պատժիչ էքսպեդիցիան մարտի 1-ը բռնվում ապստամբների հետ՝ Քիսվա գյուղի մոտ։ Շարունակելով իրենց առաջխաղացումը, ֆրանսիական զորքերը մեկ ամսից ավելի մարտեր մղեցին Հաուրանի գյուղացիության դեմ, որոնց զլխավորում էին մանր կալվածատերեր — շեյխեր Իբրահիմ առ Սալեհը, Իսմայիլ ալ Հարիրին, Ահմեդ առ Ռիֆաին և ուրիշներ։ Ֆրանսիական ինքնաթիռները և հրետանին ուժեղացնում էին գյուղերը, իսկ զինվորները այրում տները, թալանում ու զնդակահարում գյուղացիներին³³։

Հազիվ էին վերջացել այս արյունալի գործողությունները, երբ 1920 թ. վերջերին նոր ուժով ապստամբություն ծավալվեց Սիրիայի հյուսիսային մասերում, Հալեպի և Հաթաիայի շրջաններում։ Ֆրանսիական վերջնագիրը բնորոշելուց հետո Դամասկոսի կառավարությունը Հալեպի շրջանի բնակչությունից պահանջում էր ոչ մի դիմադրություն ցույց չտալ ֆրանսիական զորքերին Հալեպը օկուպացնելու ժամանակ։ Չնայած այս դավաճանական հրահանգին, հայրենասեր Իբրահիմ Հանանոն նահանգի հյուսիսային մասերում կազմակերպում է պարտիզանական չոկատներ³⁴, որոնք ռազմաթիվ ճակատամարտերում պարտության մատնելով ֆրանսիական զորքերին, իրենց հսկողության տակ էին պահում լայն տարածություններ։ Իբրահիմ Հանանոյի պարտիզանական չոկատներին միացան շեյխ Սալեհ Ալիի ղեկավարությամբ գործող Հաթաիայի ալավի գյուղացիները։ Հանանոյի և Սալեհ Ալիի միացյալ չոկատները մեծ վնաս հասցրին օկուպանտներին։

²⁹ Амин Санд, Восстания арабов..., стр. 102.

³⁰ Eugene Young, La Révolte arabe, Paris, 1925, v. II, p. 151.

³¹ René de Feret, La France puissance mandataire en Syrie et au Liban, Beyrouth, 1926, p. 51.

³² «أمين سعيد» الثورة...، ج 3، ص ١٤٢.

³³ «أمين سعيد» ص ١٤٢.

³⁴ Բուրժուական պատմաբան Լոնգրիգը պարտիզաններին ներկայացնում է որպես թալանչի-ներ, որոնք իրր թե հրահրվել են թուրքերի կողմից։ St' n S. H. Longrigg, Syria and Lebanon under French Mandate, London, 1958, p. 121.

Վերջապես 1922—1923 թթ. ընթացքում գյուղացիական ապստամբություններ բռնկվեցին

40 «Известия», 11 апреля 1923.

Բերաայի հովտում Մուլհիմ Կասեմի և Լաթաբիայում՝ Սուլեյման Մուրշիդի ու Օմար ալ Բայթարի ղեկավարությամբ, գյուղացիները հրաժարվում էին հարկ վճարել օկուպանտներին: Չնայած ապստամբների դեմ կիրառվող վայրագ դատաստանին, ֆրանսիացիներին չհաջողվեց վերջնականապես ճնշել ապստամբությունը Սիրիայում: Գնեբրալ Սաուսյուր ֆրանսիական պաշտոնական մամուլում իր գրած հոդվածում նշում էր. «միայն 1922 թ. սիրիացիները ապստամբել են 35 անգամ, որի հետևանքով ֆրանսիական բանակը տվել է հինգ հազար սպանված»⁴¹:

1920—1925 թթ. ընթացքում, այսինքն մինչև 1927 թ. Ջերել-Դրուզի ապստամբության ըսկիզբը, Սիրիայում անընդհատ շարունակվում էին գյուղացիական շարժումները, որոնց նպատակն էր երկրից դուրս վճռել օտարերկրյա նվաճողներին: Մանր կալվածատեր-շենյախերի կամ ժողովրդի միջից առաջ քաշված առաջնորդների կողմից ղեկավարվող այս տարերային ապստամբությունները վկայում էին գաղութային սիստեմի խորացող ճգնաժամի և արաբ գյուղացիության խորը ատելության մասին ֆրանսիական իմպերիալիզմի հանդեպ: Ֆրանսիական զինվորականության Սիրիայում «կարգ ու կանոն» հաստատելու հինգ տարիների փորձը սիրիացիներին ցույց տվեց, որ մանդատային ուժերը՝ օկուպանտների տեղորոշումից է և որ միայն ուժով կարելի է վերջ տալ այդ ուժերին:

1920—1924 թթ. հակաիմպերիալիստական պայքարի զխավոր ուժը արաբ գյուղացիությունն էր: XX դարի առաջին քառորդում քաղաքական հրապարակ եկած բանվոր դասակարգը դեռ թույլ էր և փոքրաթիվ. այնուամենայնիվ վերահիշյալ տարիներին Սիրիայի բանվորները մասնակցում էին հակաիմպերիալիստական ցույցերին, գործադուլներին և պարտիզանական խմբերի շարքերում կոմուն օկուպանտների դեմ: Նրանք միևնույն ժամանակ պայքարում էին իրենց տնտեսական ու քաղաքական իրավունքների համար: Բանվորների գործադուլային շարժումը մեծ չափով նպաստեց նրանց դասակարգային գիտակցության աճմանը և բանվորական ուժեղ կազմակերպությունների ստեղծմանը:

Սիրիայի աշխատավոր մասսաների հետ միասին ազգային-ազատագրական, հակաիմպերիալիստական պայքարին մասնակցում էր նաև ազգային բուրժուազիան, ղեկավարում էր այդ շարժումը օկուպանտներին երկրից դուրս հանելու համար: Սակայն նրա դիրքը հետևողական չէր, ֆրանսիական զորքերի կողմից Դամասկոսը գրավելուց հետո բուրժուազիան համարյա դադարեցրեց հակաիմպերիալիստական պայքարը երկրի ներսում և իր քաղաքական գործունեության կենտրոնը տեղափոխեց Ժնև, իսկ երկրի ներսում նրա քաղաքական ակտիվությունը արտահայտվում էր հակաիմպերիալիստական ցույցերին մասնակցելով: Ժնևում բուրժուական քաղաքական կազմակերպությունները Սիրիայի պահանջների մասին անընդհատ հանրադրեր և բողոքի հեռագրեր էին ուղարկում Ազգերի լիգային, սակայն նրանց ազերսանքները ոչ մի արդյունք չտվեցին և հեղափոխական շարժման հասունացմանը զուգընթաց նրանք փոխեցին իրենց տակտիկան ու մասնակցեցին 1925 թ. ապստամբությանը:

Սիրիայում արգելված «Սիրիական միասնություն» և «Իսթիքլալ» կուսակցությունների նախաձեռնությամբ 1921 թ. սեպտեմբերին Ժնևում հրավիրվեց «Սիրիա-պաղեստինյան կոնգրես», որտեղ ընդունվեց սիրիական բուրժուազիայի պահանջների հետևյալ ծրագիրը.

1. Սիրիայի միասնությունը.
2. Օտարերկրյա օկուպացիոն բանակների դուրս հանումը Սիրիայից, Լիբանանից և Պաղեստինից.
3. Արարական երկրների բաժանման մասին գաղտնի պայմանագրերի ոչնչացում.
4. Մանդատի վերացումը.
5. Ազգերի լիգայի մեջ Սիրիայի, Պաղեստինի և Լիբանանի ընդունումը⁴²: Սիրիական բուրժուազիայի այս ծրագիրը, անկասկած, պարունակում էր առաջադիմական և հակաիմպերիալիստական պահանջներ, սակայն նրանում չէր նշված այդ ծրագիրը կենսադործելու ոչ մի միջոց, նրանում ոչ մի խոսք չկար երկրում հողային և ֆեոդալական անցկացնելու մասին: Կոնգրեսը ընտրեց

⁴¹ Амнн Санд, стр. 109.

⁴² 1929 «الكيمالي» صراع في سبيل القومية العربية، حلب، ص ٤٣.

Ս.մին Սաիդի գրքում մեջբերված պահանջների թվում կա նաև Պաղեստինում հրեական ազգային ոգիս ստեղծելու մասին Բալֆորի դեկլարացիան շեղյալ հայտարարելու կետը:

մշտական գործող օրգան «Սիրիա-պաղեստինյան կոնգրեսի գործադիր կոմիտե...»⁴³, որի կենտրոնը գտնվելով Կահիրեում, վերահիշյալ պահանջների կենսագործման համար աշխատանքներ էր ծավալում Ազգերի լիգայի անկամ պետությունների ներկայացուցիչների շրջանում։ Այսպիսով, սիրիական բուրժուազիայի վտարանդիության մեջ գտնվող քաղաքական կաղամկերությունները սահմանափակվում էին Ազգերի լիգային հուշագրեր ուղարկելով, մյուս կողմից էլ երկրում շարունակվող ժողովրդական շարժումների վրա իրենց ղեկավարությունը չկորցնելու համար ապրտամբներին փող և զենք էին մատակարարում։

Օկուպացիոն իշխանությունները ամեն կերպ ձգտում էին ջլատել Սիրիայի հայրենասիրական ուժերի միասնությունը և, հետևելով «բաժանիք, որ տիրես» սկզբունքին, նրանք թուրքական տիրապետության ժամանակ մի ամբողջություն կազմող երկիրը արհեստականորեն մասնատեցին մանր «պետությունների»՝ Դամասկոսի և Հալեպի պետության, իսկ գերագույն կոմիսարի 1920 թ. սեպտեմբերի 1-ի դեկրետով ստեղծվեց «Մեծ Լիբանանի պետությունը», որի կազմի մեջ մտավ նաև, բացի լեռնային Լիբանանից, որը թուրքերի ժամանակ ինքնավար էր, Տրիպոլին, Սայդան, Բեքաան, Սուրը և Բեյրութի շրջանը։ Ստեղծելով այս պետությունը ֆրանսիական իշխանությունները նպատակ ունեին կրոնական թշնամություն հրահրել, դավանական վեճեր առաջացնել և երկիրը մշտապես անկայուն և անապահով վիճակի մեջ պահել։ Լիբանանում քրիստոնեական և մուսուլմանական դավանական խմբերի առկայությունը օգտագործվում էր որպես պատրվակ միջամտելու համար երկրի ներքին գործերին։

Նույն 1920 թ. սեպտեմբերին կազմվում է «ալաուիների պետությունը»։ Դամասկոսի և Հալեպի նահանգապետներ նշանակվեցին ֆեոդալական ծագում ունեցող և թուրքական նախկին բարձրաստիճան անձնավորություններ (Հազգի ալ Ադմա, Սուբհի Բարաքաթ), որոնք անձնվիրաբար ծառայեցին օկուպանտներին։ 1921 թ. Ալեքսանդրետի սանջաքին շնորհվեց ինքնավարություն։ Նույն տարին կազմվեց Զեբել Դբուդի «պետությունը»։ Սիրիան չորս պետությունների բաժանումը պահպանվեց մինչև 1936 թ.։ Այսպիսով, Սիրիան անդամահատելու միակ նպատակը եղել է արհեստական այնպիսի սահմաններ ստեղծելը, որոնք թույլ շտային արաբներին համախմբվելու իրենց ազգային նպատակներին հասնելու համար։ Բացի այդ, երկրի անդամահատումը խանգարում էր նրա տնտեսական, քաղաքական և կուլտուրական զարգացմանը։

Երկիրը մասնատելու քաղաքականությունը ավելի խորացրեց տնտեսական ճգնաժամը և անելանելի վիճակի մեջ դրեց մանդատային իշխանություններին։ 1922 թ. ամբողջ Սիրիայում տեղի ունեցած ապստամբությունից հետո ֆրանսիական կառավարությունը Գուրոյի փոխարեն նշանակեց գեներալ Վեյգանին, որը իր ռեակցիոն քաղաքականությամբ ավելի մեծ եռանդով շարունակում էր արաբ գյուղացիներին գնդակահարելու և գյուղերը հիմնահատակ անելու գործը։ Օկուպացիոն իշխանությունների տնտեսական և քաղաքական ճնշումը ուժեղ կերպով հարվածեց ոչ միայն քաղաքի ու գյուղի աշխատավորության շահերին։ Հասարակության բոլոր խավերի զժգոհությունը հանգեցրեց համառ պայքարի ծավալմանը՝ ընդդեմ ֆրանսիական օկուպանտների։ Այս պայքարի մեջ ներգրավվեցին ոչ միայն գյուղացիությունը և քաղաքական հրապարակ եկած բանվոր դասակարգը, այլ նաև ազգային մանր և խոշոր բուրժուազիան, ինտելիգենցիան և առանձին ֆեոդալներ։ Օկուպանտների կողմում էին միայն մի խումբ ֆեոդալներ և իմպերիալիզմի հենարանը կազմող կոմպրադորական բուրժուազիան։

Այսպիսին էր ֆրանսիական օկուպանտների հաստատած քաղաքական ռեժիմը։ Այն բոլոր արցքերը, որոնք դրվել էին 1920—1922 թթ. հեղափոխական դեպքերի ժամանակ՝ մնացին չլուծված, գաղութարարների դեմ մղվող համաժողովրդական պայքարը շարունակվում էր նոր թափով։ Մասսայական հուզումների այս բոլոր դրսևորումները նախակարապետն էին այն մեծ ապստամբության, որն ընդգրկեց ամբողջ Սիրիան Դբուդ Սուլթան Աթրաշի ղեկավարությամբ՝ հանուն Սիրիայի անկախության և պետական սուվերենության։

⁴³ Այս կոմիտեի մեջ մտնում էին բուրժուական նացիոնալիզմի ներկայացուցիչները։ Կոմիտեն ծնունդ առավ Ազգերի լիգային կից մշտական պատվիրակություն ունեւ հայտնի պանիսլամիստ, թուրքական պառլամենտի նախկին անդամ Շեքիւ Արսլանի գլխավորությամբ։ Պատվիրակությունը հրատարակում էր «La Nation arabe» ամսագիրը։